

Ա. եւ Բ. խումբի միաւորները միասին առած ուրեմն կազմում են 1,275,000 շունչ եւ կամ Անդրկովկասի ողջ բնակչութեան 22.41 տոկոսը: Եւ սակայն երբ խօսք է լինում ազգային փոքրամասնութեանց իրաւունքների պաշտպանութեան մասին, բնականաբար Ա. եւ Բ. խմբի միաւորների հետ եւ նրանց համահաւասար կերպով նկատի առնելու ենք նաեւ Գ. խումբի միաւորներին — իրենց ազգային հողամասից դուրս ապրող վրացիներին, լեռնահաններին, եգիպտիներին, քրդերին եւ այլն: Մրանց էլ հաշուելով՝ պիտի տեսնենք ուրեմն, որ Անդրկովկասի բնակչութեան մօտ 1/4-ը եւ կամ շուրջ 1,400,000 հոգի ազգային փոքրամասնութեանց են պատկանում: Այսինքն՝ այդչափ հոգի դուրս են գտնուում իրենց ազգային պետական եւ կամ գոնէ ազգային-ինքնավարական մարմիններից:

Զուտ թուական տեսակէտից եթէ վերցընելու լինինք, նշանակում է Անդրկովկասի ազգային փոքրամասնութիւնները միասին առած մօտաւորապէս այնպիսի ուժ են ներկայացընում, ինչ որ նրա ազգային գլխաւոր տարրերը՝ վրացիները, թաթարները եւ հայերը՝ առանձին-առանձին: Եթէ միւս կողմից, հայ եւ թաթար ազգային փոքրամասնութիւնները չկամենանք բաժանել իրենց մայր հատուածներից, այլ մնացած ազգային իսկական փոքրամասնութիւնները միայն վեր առնելու լինինք, դրանց հետ միասին նաեւ այն փոքր ազգերը (աջարացիներ, արխաղներ, օսեր), որոնք թէեւ ունին իրենց ինքնավար կազմերը, բայց փաստօրէն ազգային փոքրամասնութիւն են ներկայացնում, դարձեալ համեմատութիւնը զգալիօրէն չի փոխուի, հանդէպ գլխաւոր տարրերի: Բնականաբար ազգային փոքրամասնութեանց տեսակարար կշիռը աւելի եւս կը ծանրանայ, եթէ առհասարակ նրանց բոլորին միասին հաշուելու լինինք:

Ինչպէս էլ դարձնելու լինինք խնդիրը, ո՛ր տարրերին եւ կամենանք «ազգային փոքրամասնութիւն» սիւնակի տակ առնել, նրանք դարձեալ կը կազմեն աչքառու թիւ: Այսպիսով, Անդրկովկասի ազգային, քաղաքական եւ տնտեսական խնդիրների կարգաւորման հար-

ցում նրանց վերապահուած է մի աչքառու տեղ:

Հայ ազգ. քաղաքականութիւնը պարտաւոր է այդ պարագան միշտ էլ աչքի առնելունալ ոչ միայն սկզբունքային՝ ազգային փոքրամասնութիւնների լաւագոյն պաշտպանութեան տեսակէտից, այլ եւ իր սեփական շահերից դրդուած: Այդ կրկնակ տեսակէտները համերաշխում են. մեր կարծիքով, շատ սերտօրէն: Երկու կողմերն էլ աւելի կամ պակաս չափով զրկուածների բանակում են գտնուում, երկու կողմերն էլ պահանջատէրի դերում են հանդէպ միւսների, ապա ուրեմն բնական է, որ նրանք շատ խնդիրներում աջակից հանդեսանան իրար:

Ինչ վերաբերում է ուրեմն սեփական հողամաս ունեցող, բայց ինքնավարութիւնից զուրկ ազգային տարրերին, նրանք միասնաբար պէտք է հողային ինքնավարութեան պահանջը դնեն առաջին հերթին: Ինչ վերաբերում է միւսներին, ազգային-մշակութային ինքնավարութիւնով պիտի փոխարինուի այն:

Կարող է առարկուել, թէ արդէն իսկ դուրս թիւն ունի այդ ազգային-մշակութային ինքնավարութիւնը — ինչպէս առհասարակ Պորհըրդային Միութեան մէջ, այնպէս նաեւ Անդրկովկասում:

Բայց նախ՝ Պորհըրդային վարչաձեւը ինչպէս որ ազգային անկախութեան դադարի փարն է ազճատուած ձեւով հասկանում, ինչպէս որ նա ազգային հողամասերն է քմահաճօրէն ձեւում (օրինակ Հայաստանի պարագան), այնպէս նաեւ՝ ազգային-մշակութային ինքնավարութեան դադարի փարն է իւրաքանչեւ ձեւով հասկանում:

Երկրորդ՝ երբ մենք խօսում ենք Անդրկովկասեան ազգերի քաղաքական փոխադարձ յարաբերութեան մասին, որ այսօր եւս շատ է հեռու գոհացուցիչ անուանուելուց, մենք նկատի չունինք միայն այսօրը, ներկան, այլեւ՝ ապագան, — մի այնպիսի դրութիւն, որ հիմնըւած լինէր արդարութեան, ազգային ինքնորոշման սկզբունքի վրայ, ստեղծելով բնականոն վիճակ այդ երկրամասում:

Եթէ խիստ դատելու լինինք, ոչ Պորհըրդային Միութեան մէջ եւ ոչ էլ Անդրկովկա-